

Khri's' Suangphum

Suangphum Iepkhitsa Ioungal suangphum dang kuamah in a lem theita kei, huai suangphum Jesu Khrist ahi - 1 Kor. 3:11

Vol. XIX. No. 30

PRIVATE CIRCULATION

JULY 25, 2021

THILHOIH HIH CHIMTAK KEI NI!

(Let Us Not Grow Weary Doing Good!)

Sutzopna...

L. James Guite

Jesu'n, "Nou semgimte leh puakgik pawte aw, Ka kiang ah hong pai un. Keima'n khawl na kon pe diing. Ka hakkol pua unla, kei a kipan zil un. Thunuailuttak leh lungtang a kingainiamtak ka hi. Huchi in na kha ua diing in khawl na mu diing uhi. Ka hakkol a nuam a ka puak leng a zang ahi" (Mt. 11:28-30). Puakgik pawte dawnzangna tuh Jesu hong paina san ahi. Huaiziak in sawltakpi Paul in puakgik kidawntuahna tuh Khri's' thupiak zuihna ahi ana chi hi. Lungkham a omte iva hehnepna, tasam mangbangte I va panpihna, mangbangtak a om mite kamdam a I va khamuanna, tongkhong mite a tongkhotna uh limtak a I va ngaihkhiaksakna hiaite tengteng in mi kuahiam lungkhamna in a tupmang diing lai a tungdingthak nawn thei hi. Hebru laikhak gelhtu in, "Huchi in khut kaikhete leh khuk zawte liktou un" (Heb. 12:12) chi in a hon hasuan hi.

C. A HAWMZAKTU HI IN (Be A Sharer):

"Huan thuhilh a om in thilhoih tengteng a hihpa kiang ah hawm hen" (Gal. 6:6). Khristiante pen khovel gou tampi kholkhawm keihkuhi a om dia sinsakte kihilou hi. Huai I chih ziak in gentheitak a niteng nektawm zong a om diing chihna hi peuhmahlou hi. Nnasem diing, nek zong diing, sum-le-pai, dangka leh dangka-eng tampi nei diing a phalsak ihi. Himahleh, "Hiai khovel a mi hausate khawng kisatheilou diing leh sum muanhuailou a muanna ngalou a, thil tengteng kipahna diing a tampi a hon pepa Pasion tung a nga zaw diing in hih in" (1 Tim. 6:17) a chi hi. Khovel gou I neihte pen kisaktheihna diing hilou in hawmkhiak diing ahi. Kuate kiang a hawmzak diing I hia?

1) Pasion Nnasemtute' Kiang ah

Nidanglai in Levite pen Pasion' nnasem ahizhiak un goutan piak in a omkei uhi. Nam 11 dangte pen gam leh leitang piak in a om ua, himahleh Levite pen goutan piak in a omkei uhi. A goutan uh bel Pasion nna ahi a, a poimohte uh nam 11 dangte'n a suktuah sak uhi. Huai thupaipi mah paisuaktou in Thukhun Thak hun ah leng Pasion' nnasemtute a dia I suktuahsak pen midangte'n I mohpuakna ahi chih I theih kuul hi. Philippi khua a saptuamte'n Paul a di'n a suktuah sak uhi: "Huchia ka mangbatna a non mangbatpih ziak un na hih hoih mahmah uhi. Nou mahmah, nou Philippite ngei in leng tanchin hoih om tung a kipat, Masidonia gam a kipan ka pai nung in, nou chihlough ngal saptuam dang kuamah in piak leh muh lamthu ah hon pekei hial uh chih na thei uhi" (Phil. 4:14). Philippi saptuamte I etton diing ua Lai Siangthou a tuansak a om uh ahi chih I theih ngeingei uh poimoh hi.

2) Unaute leh Midangte kiang ah

Jerusalem khua a saptuamte, hiai tungtang ah I etton diing uh ahi nawn leuleu uhi. "Huan a gingta mipite lungsim munkhat in a om ua, a lak ua khat in leng a sum neih kei a tuam ahi a chikei; thil tengteng a kikop zawzel uhi... Huan

a lak uah leng tasam kuamah a omkei uh. Gam khawng, inn khawng nei peuh in a zuak ua, a thilkhotte uh a man a hon tawi ua, sawltakpite' khebul ah a koih zel uh. A deihdong ching hun chiat in a hawm chiat zel uhi. Huan Joseph, sawltakpite'n Barnaba a chih uh, (huai min omdan khamuanna ta chihna ahi), Levi chi, Kupra tuikulh mi ahi a, a gam neih a zuak a, a man a hon tawi a, sawltakpite' khebul ah a koihta" (Nas. 4:32-36). Jerusalem saptuam a mite'n, mimal a a thilneihte uh kiphaltak in unau dangte a di'n a hawmzak uhi.

Antiok Khua a unaute'n Judia gam a mite' lak a kial tung ahi chih a theih Chiang un huchibang thilhoih ana hih uhi. "Huchi in nungzuite'n a theihdan chiat un Judia gam a unau omte kiang ah panpihna khak a tum ua, huai tuh a hihta ngei uhi. Barnaba leh Saul khut ah upate' kiang ah a khakta uh" (Nas. 11:29-30). Korinth khua a saptuamte'n Jerusalem khua a om unaute leh midangte a diing in a thilphalna uh suah in ana hawmzak uhi. "Hiai nnasepna etkhiak a om in, Khri's' Tanchin Hoih lam a na thugin uh na zuih dan thu uleh, amau (unaute) a diing leh mi tengteng a dia na thilpiak ua na thilphaldan un Pasion na hihthupi diing uhi" (2 Kor. 9:13). Hiai toh kizui mah in Paul in Galatia a saptuamte kiang ah thupiak ana pia hi. "Huchi in lemtang hun I neihdan bangzel in mi tengteng tung ah thilhoih hih ni, ginna a innkuanpihte lak a omte tung ah hikholdiak hen" (Gal. 6:10).

THILHOIH HIH DIA KRISTIANTE THUPIAK IHI.

2 Kor. 9:7-8 "Mi chih in it pipi a pelou in, piaklough theihlough bang a leng ngaihtuah a petuanlou in, a lungtang ua a tup bangzel un pe chiat hen. Pasion in kipaktak a pemi ahi a it. Huan Pasion in hehpihna chiteng in na tung uah a vukthei ahi. Huchi in nou bangkim a hun ngial nei gige in nnasep hoih chiteng a diing in na hauthei diing uhi." Eph. 2:10 "Thilhoih hih diing in Khri's' Jesu ah siam a om in, Amah khutsuak ihi ngal ua. Huai thilhoih hih tuh I khosakdan diing in Pasion in a bawlkhol ahi."

PLACE OF WORSHIP

UCI Building,
Sector - VI. RK Puram,
New Delhi - 110022

Phone No. 9953968807

website : www.cocdelhi.org

**'KHRIS' SUANGPHUM, A WEEKLY BULLETIN FOR
THE MEMBERS OF THE CHURCH OF CHRIST, DELHI,
ON THE FIRST DAY OF THE WEEK'**

Enkaitu : Jamson Guite

BIBLE CLASS

Class

Adult : Khenpi, Siamkhanmuan
Inter. : James & Jamson
Junior : Ginsuan & Suanlian
Primary : Minlun & Niangngaihching
Beginner : Chingkhanlun & Pauliansiam

Teacher

TOUPA NI THILPIAK

No update

THOUGHT OF THE WEEK

**Gentheite leh pa neiloute hawmsak unla;
haksa thuakte, tagahte tung ah
hihdik un (Sam 82:3)**

THU TUAMTUAM

THU TUAMTUAM

ONLINE

**BIBLE CLASS & SERMON
JULY 2021**

Toupa' Ni

Date 25.7.2021

Hun-uk thumna : Kamkhenthang

Bible Class : Siamkhanmuan

Thugen : Thangbiakmang

Thumna : Mungmuanlian

Toupa' Ni

Date 01.8.2021

Hun-uk thumna : Lamsuanmung

Bible Class : Siamkhanmuan

Thugen : Jamson

Thumna : Thanglianmang

ZOH HITA

☛ Gurgoan a bible class toh kisai kal paita nilaini in zoh siang hita hi. Hiai hun ah mi nga (5) abul apan a tawptan telsuak uhi. Mi nga sang a tamzaw dia lamet himahleh khenkhat in lemtanglouna a neih thak ziak un mi nga teluak thei hi. Class a tel mi ngate kiang ah stipen leng piak in om chiat.

A nikhat ni in unaupa Jamson kia in a bul apan a tawptan class lasuak a. A ni nihni a unaupa James ava tel theih ziak in class lakhawm thei uhi. Ngaikhete'n a thuzakte uh dik sachiat mahleh uh a zakte uh zui diing in kiminna leh hangsanna tutadih in neilou uhi. A chituh ei mohpuak hi a, a pou-saktu bel Pathian ahi hi.

Pa'n lem ahon sakpih leh maban ah eilak a piangthak nailoute toh hot-damna thu toh kisai class neih hinawn diing. Huai diing in nu leh pate'n class a telthei diing i tate ana kisak kholsak diing in i kingen uhi.

SUUNPIH HANG

☛ Kal paita sung in unaunu Khamngiahlan in a pianpih sanggam (a u pa) ana sun hi. Unaunu i sunpih in i thuakpih ua, Pathian apan khamuana i ngetsak uhi. Lusun ni in unaute bangzah hiam va kisutuah thei ua, hih hoih mahmah uhi.

AT NGAI DIING

☛ Tuma a apang nat ziak a emergency a hospital a puak a ana om un-aupa Thangliankehup a kal a suang om lesser operation ngai diing hi'n doctor in gen hi. Unaunu Biaki in tunitan ana buaipih touzel a hih hoih mahmah. Tuka sung vel a operation thei dia gintak ahi. Thumna ah phawk ni.

CAR THAK LEI

☛ Unaupa James-te innkuan in Pathian vualzawlina dong in Hyundai verna, a thak sitset, a kang rong, a tung hon theih, a hoih mahmahte ana leikhia uhi. Unaute car thak neih i kipahpih uh. Maban ah leng Pathian vualzawlina hong dong touzel uhen!

sutzopna...

Kol. 1:10-11 "Huan nnasep hoih chiteng a gah a, Pasion theihna a hong khang a, Amah kipahlam tak a Toupa a dia kilawm him a na hin theihna diing un, kipahna toh kithuah thuakhatna leh kuhkalna nei diing in a hatna thupi bangzel a hihhat in hong om un." 1 Tim. 6:17-18 "Hiai khovel a mihaute khawng kisatheilou diing leh sum muanhuailou a muanna ngalou a thil tengteng a kipahna diing a tampi hon pepa Pasion' tung a ngazaw diing in hilh in. Thilhoih a hih diing uh, thilhoih hih a a hauh diing uh, thilphal a siam diing uh ahi."

Tita 3:8 "Hiai thilte na phut tiltel kon deih ahi. Huchi a Pasion gingtasate'n thilhoih hih diing a a pilvan theihna diing un. Huai tuh mihingte a di'n a hoih in a phatuam hi". 1 Pet. 2:12- "Jentelte lak ah na tatdan uh kilawmtak hihen. Huchi in thil hihkhalte bang a a hon gensiatna lam uah na

THILHOIH HIH CHIMTAK KEI NI!

thilhoih hih uh a muhte uh ziak in veh a a om Chiang un Pasion a pahtawi thei diing uhi."

THUKHITNA

Khristiante pen thilhoih hih diing a siam ihi. Thilhoih hihna tuh midangte' haksatna, lungkhamna leh panpih leh huh a ngaihna mun ua panpihna khutzakna ahi. Khristiante pen kaipuktu hiam ahihkeileh phelsetu hilou in tungdingtu, phawnghalhtu leh bawloihitu I hih poimoh hi. Khristiante pen midangte' tung a puakgik guantu hilou in, midangte' haksatna belhsaktu hilou in puakgik dawnzangtu I hih poimoh hi. Khristiante pen midangte a kipan huaiham tak a midangte neihsa laksaktu leh dongtu hilou in, I thilneih hte hawmzaktu, midangte kiang a pekhetu ihih uh poimoh hi. Pasion in Thilhoih hih a hausachiat diing in hon vualzawl hen.
